

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第一七冊

地方志人物傳記資料叢刊

國

家

圖

書

館

編

北京圖書館出版社

第十七冊目錄

(咸豐)青州府志(二)

人物傳一	四五五
人物傳二	四六五
三國魏	
三國吳	四六八
晉	四六九
北魏	四七一
北齊	四七五
人物傳三	四七七
唐	
後梁	四七九
後唐	四八一
人物傳四	四八三
宋	
人物傳五	五〇二
金	
元	五〇三
人物傳六	五一二

明

人物傳七	五一九
人物傳八	五四八
人物傳九	五八一
清朝	
人物傳十	六〇七
人物傳十一	六二七
人物傳十二	六三五
人物傳十三	六六一
藝術傳	六六九
仙釋傳	六七二
僑寓傳	六七六
雜傳一	六八三
雜傳二	六九一
列女傳一	七〇一
列女傳二	七〇五
列女傳三	七二八
列女傳四	七三九
列女傳五	七五七
列女傳六	七八三
列女傳七上	八〇六
列女傳七下	八二四

青州府志卷三十八

傳二之一

人物傳一

青之人才於周爲盛尚已漢興以來儒林輩出孫虞而下
王同兒寬周澤甄宇之徒指不勝屈而伏氏歐陽氏又以
傳經世共家迄於三國王哀任嘏之流史不絕書彬彬乎
文質兼備矣典午不祚兵燹滔天石虎之陷青州遺民七
百段符慕容竊迹相踵劉裕既拔廣固殺戮靡遺禍亂未
已迄於隋唐民始小憩是以史之所載宋則孟次陽而已
魏之王憲則又播遷於外借才異國傳豎眼雖家磐陽其

青州府志卷三十八

祖實清河產也有唐五代寥寥數人天水乘運漸以復興
王會翹然稱首李覺李之才以經術顯明錦周沆任頴以
功著金元相承人文復衰董劉賀齊紀績旂常武功茂矣
有明代興蔚然漸盛

國朝賢輔攸作馮溥孫廷銓恩事

列祖隱然有名世之望劉統勲爲

高宗朝名相子壻繼之其他治績學行累累相望不絕於
時是尤管晏以來所不及者也舊志分目最多今以人物
概之以省繁複其誤載者皆不復書

漢

兒寬千乘人也治尚書事歐陽生以郡國選詣博士受業
孔安國貪無資用嘗爲弟子都養師古曰都凡家也時行
發主給食炊者也賈作帶經而鉏休息輒讀誦以射策爲掌故功次補廷尉
文學卒史寬爲人溫良有廉知自將善屬文然懦於武口
弗能發明也時張湯爲廷尉除爲從史之北地視畜數年
還至府上畜簿會廷尉時有疑奏已再見卻矣掾史莫知
所爲寬爲言其意掾史因使寬爲奏以白廷尉湯湯大驚
召寬與語乃奇其材以爲掾上寬所作奏即時得可異日
湯見上問曰前奏非俗吏所及誰爲之者湯言兒寬上曰
吾固聞之久矣湯由是鄉學以寬爲奏議掾及湯爲御史

青州府志卷三十八

二

大夫以寬爲掾舉侍御史見上語經學上說之從問尚書
一篇擢爲中大夫遷左內史寬既治民勸農業殺刑罰理
獄訟卑體下士務在於得人心擇用仁厚士推情與下不
求名聲吏民大信愛之寬表奏開六輔渠定水令以廣溉
田收租稅時燕闔狹與民相假貸以故租多不入後有軍
發左內史以負租課殿當免民聞輸租稅屬不絕課更以
最上由此愈奇寬及議欲放古巡狩封禪之事拜寬御史
大夫從東封泰山後太史令司馬遷等言歷紀壞廢漢興
未改正朔宜可三上乃弗寬與遷等共定漢太初曆語在

歷志
漢書

嚴安者臨淄人故丞相史也以天下人民逐利犯法國家窮兵遠方結怨匈奴外郡地幾千里郡守之權重於六卿上書千餘言後為騎馬令

以漢書本傳修

貢禹字少翁琅邪人也以明經絮行者聞徵為博士涼州刺史病去官復舉賢良為河南令歲餘以職事為府官所責免冠謝禹曰冠壹免安復可冠也遂去官元帝初即位徵禹為諫大夫數虛已問以政事是時年歲不登郡國多困以禹言詔令太僕減食穀馬太衛減食肉獸省宜春下苑以與貧民又罷角抵諸戲及齊三服官還禹為光祿大夫與之上書乞骸骨後月餘以禹為長信少府會御史大

青州府志卷三十八

三

夫陳萬年卒禹代為御史大夫列於三公又以禹言令呂產子七歲遇出口錢又罷上林宮館希幸御者及省建章甘泉宮衛卒減諸侯王廟衛卒省其半餘雖未盡從然嘉其質直之意禹又奏欲罷郡國廟定漢宗廟迭毀之禮皆未施行為御史大夫數月卒天子賜錢百萬以其子為郎官至東郡都尉禹卒後止追思其議竟下詔罷郡國廟定

迭毀之禮

漢書本傳

諸葛豐字少季琅邪人也以明經為郡文學名特立剛直貢禹為御史大夫除豐為屬舉侍御史元帝擢為司隸校尉利舉無所避京師為之語曰聞何問逢諸葛上嘉其節

加豐秩光祿大夫時侍中許章以外屬貴幸奢淫不奉法度賓客犯事與章相連豐案劾章欲奏其事適逢許侍中私出豐駐車舉節詔章曰下欲收之章迫窘馳車去豐追之許侍中因得入宮門自歸上豐亦上奏於是收豐節徒為城門校尉豐上書告光祿勳周堪光祿大夫張猛上不直豐免為庶人終於家

漢書本傳

案三國志諸葛瑾傳裴松之注引吳書曰其先葛氏本琅邪諸縣人後徙陽都陽都先有姓葛者時人謂之諸葛因為氏豐傳但稱琅邪人而氏曰諸葛豈其始徙者歟故登豐傳豐後皆從略

青州府志卷三十八

四

師丹字仲公琅邪東武人也治詩事匡衡舉孝廉為郎元帝末為博士免建始中州舉茂材復補博士出為東平王太傅丞相方進御史大夫孔光舉丹論議深博廉正守道徵入為光祿大夫丞相司直數月復以光祿大夫給事中由是為少府光祿勳侍中甚見尊重成帝末年立定陶王為皇太子以丹為太子太傅哀帝即位為左將軍賜爵關內侯食邑傾尚書事遂代王莽為大司馬封高樂侯徙為大司空哀帝即位追尊定陶共王為共皇尊傅太后為共皇太后丁后為共皇后丹議獨不合上意廢歸鄉里者數年平帝即位新都侯王莽白太皇太后發掘傅太后丁太

后家奪其璽殺更以民葬之定陶縣廢共皇廟徵丹詣公

伯受易亦養志自脩為官不肯過六百石輒自免去其名

過出於漢

漢書兩

辭方字子容齊人

太平寰宇記臨淄人

嘗為郡掾祭酒嘗徵不至及

明主方隆唐虞之德小臣欲守箕山之節也使者以聞莽

說其言不强致方居家以經教授喜屬文著詩賦數十篇

世祖即位徵方道病卒

以漢書鮑宣傳修

京房法琅邪王吉通五經聞臨說善之使其子駿上疏從

臨受易臨代五鹿充宗君孟為少府

漢書儒林本傳

青州府志卷三十八

五

歐陽生字伯和千乘人也從伏生受尚書以授兒寬寬授

歐陽生子世世相傳至曾孫高子陽為博士高孫地餘長

賓以太子中庶子授太子後為博士論石渠元帝即位地

餘侍中貴幸至少府由是尚書世有歐陽氏學

以漢書儒林本傳修

轅固齊人也

廣輿記臨淄人

以治詩孝景時為博士後上以固康

直拜為清河太傅疾免武帝初即位復以賢良徵諸儒多

嫉毀曰固老罷歸之時固已九十餘矣公孫宏亦徵仄日

而事固固曰公孫子務正學以言無曲學以阿世諸齊以

詩顯貴皆固之弟子也漢書儒林本傳

郎漢琅邪人以清行徵用至京兆尹後為太中大夫王莽

秉政與龔勝俱乞骸骨歸老於鄉里兄子丹字曼容從魯

伯受易亦養志自脩為官不肯過六百石輒自免去其名

過出於漢

以漢書兩龔傳修

辭方字子容齊人

太平寰宇記臨淄人

嘗為郡掾祭酒嘗徵不至及

明主方隆唐虞之德小臣欲守箕山之節也使者以聞莽

說其言不强致方居家以經教授喜屬文著詩賦數十篇

世祖即位徵方道病卒

以漢書鮑宣傳修

孫虞字子乘東武人自魯商瞿子木受易孔子以授魯橋

庇子庸子庸授江東野臂子弓子弓授燕周醜子家子家

青州府志卷三十八

六

授孫虞子乘子乘授齊田何子裝

以漢書儒林本傳修

王同字子中

史記曰仲

東武人漢初與雒陽周王孫丁寬齊

服生並受易於田何皆著易傳數篇同授淄川楊何

以漢書儒林本傳修

魯伯瑗入會稽太守與張禹俱從沛國施讐受易後授

泰山毛萇如少路同郡郎丹曼容

以漢書儒林施讐傳修

殷崇琅邪人與楚國龔勝俱從梁陳翁生受尚書為博士

以漢書儒林林本傳修

王扶琅邪人受魯詩於山陽張游卿為泗水中尉

以漢書儒林王式傳

皮容瑯邪人與九江張卬同受齊詩於潁川滿昌皆至大

司徒取甚盛

以漢書儒林
后蒼傳修

徐夏字游卿瑯邪人從梁人戴德延君學禮為博士州牧

郡守家世傳業由是大戴有徐氏之學

以漢書儒林
孟卿傳修

王中瑯邪人從東海嚴彭祖受公羊春秋為元帝少府家

世傳業授同郡公孫文東門雲雲為荊州刺史文東平太

傅徒眾尤盛

以漢書儒林
嚴彭祖傳修

左咸瑯邪人從洽豐受顏氏春秋為郡守九卿徒眾甚盛

官至大司徒

以漢書儒林
顏安樂傳修

筦路瑯邪人從疏廣受春秋為御史中丞又事顏安樂故

青州府志卷三十八

七

顏氏有筦氏之學路復授孫實為大司農

以漢書儒林
顏安樂傳修

東漢

伏湛字惠公瑯邪東武人也九世祖勝字子賤所謂濟南

伏生者也湛高祖父孺武帝時客授東武因家焉父理為

當世名儒以詩授成帝為高密太傅別自名學湛性孝友

少傳父業教授數百人成帝時以父任為博士弟子五遷

至王莽時為繡衣執法使督大姦遷後隊屬正更始立以

為平原太守時倉卒兵起天下驚擾而湛獨晏然教授不

與謂妻子曰夫一穀不登國石徹膳今民皆飢奈何獨飽

其食雖饒悉分奉祿以振鄉里來客者百餘家時門下

督素有氣力謀欲為湛起兵湛收斬之狗首城郭以示百

姓於是吏人信向郡內以安光武即位知湛名儒舊臣欲

令幹任內職徵拜尚書使典定舊制時大司徒鄧禹西征

關中帝以湛才任宰相拜為司直行大司徒事每出

征伐常留鎮守總攝羣司建武三年遂代鄧禹為大司徒

封陽都侯時彭寵反於漁陽帝欲自征之湛上疏諫帝覽

其奏竟不親往時賊徐異卿等萬餘人據富平連攻之不

下唯二願降司徒伏公帝知湛為青徐所信向遣到平原

異卿等即日歸降護送洛陽湛雖在倉卒造次必於文德

以為禮樂政犯之者頭顱猶不可違是歲奏行鄉飲酒禮

青州府志卷三十八

八

遂施行之車駕征張步留湛居守時燕祭高廟而河南尹

司隸校尉於廟中爭論湛不舉奏坐棄免六年徙封不其

侯邑二千六百戶遣就國後南陽太守杜詩上疏薦湛十

三年夏徵敕尚書擇拜吏日未及就位因譴見中暑病卒

賜祿器帝親弔祠遣使者送喪傷家二子隆翁嗣爵卒

子光嗣光卒子晨嗣晨謙敬博愛好學尤篤以女孫為順

帝貴人奉朝請位特進卒子無忌嗣亦傳家學博物多識

順帝時為侍中屯騎校尉永和元年詔無忌與議郎黃景

校定中書五經諸子百家藝術元嘉中桓帝復詔無忌與

黃景崔寔等共撰漢記又自采集古今刪著事要號曰伏

侯注無忌卒子質嗣官至大司農質卒子完嗣尚桓帝女
陽安長公主女爲孝獻皇后曹操殺后誅伏氏國除初自
伏生已後世傳經學清靜無競故東州號爲伏不闕云隆
字伯文少以節操立名仕郡督郵建武二年詣懷宮光武
其親接之時張步兄弟各擁強兵據有齊地拜隆爲太中
大夫持節使青徐二州招降郡國青徐羣盜惶怖獲索賊
右師郎等六校即時皆降右或爲古張步遣使隨隆詣關上書
獻鯁魚其冬拜隆光祿大夫復使於步并與新除青州牧
守及都尉俱東詔隆輒拜令長以下隆招懷殺將多來降
附帝嘉其功比之鄧生即拜步爲東萊太守而劉永亦復

青州府志卷三十八

九

遣使立步爲齊王步遂執隆而受永封隆遣間使上書帝
得隆奏召父湛流涕以示之曰隆可謂有蘇武之節恨不
且許而還求還也其後步遂殺之時人莫不憐哀焉五年
張步平車駕幸北海詔隆中弟咸收隆喪賜給棺殮太中
大夫護送喪事詔告琅邪作冢以子瑗爲郎中後漢書本傳
牟融字子優北海安邱人也少博學以大夏侯尚書教授
門徒數百人名稱州里以司徒茂才爲豐令視事三年縣
無獄訟爲州郡最司徒范滂薦融忠正公方經行純備并
上其理狀永平五年入代鮑昱爲司隸校尉多所舉正百
僚敬憚之八年代包咸爲大鴻臚十一年代鮒陽鴻爲大

司農融經明才高善論議帝數嗟歎以爲才堪宰相明年
代伏恭爲司空舉劾方重甚得大臣節肅宗卽位以融先
朝名臣代趙憲爲太尉與憲參錄尚書事建初四年薨車
駕親臨其喪時長子麟歸鄉里帝以其餘子幼弱敕太尉
掾史教其威儀進止贈賜恩寵駕密焉又賜冢塋地於顯
節陵下除麟爲郎後漢書本傳

吳夏字大儀齊國臨淄人也初爲郡吏歲旦與掾史入賀
門下掾王望舉觴上壽詔稱太守功德良於下坐勃然進
曰望侯邪之人欺詬無狀願勿受其觴太守敕容而止譙
罷轉夏爲功曹恥以言受進終不肯謁時驃騎將軍東平

青州府志卷三十八

十

王蒼聞而辟之署爲西曹蒼甚相敬愛上疏薦良顯宗以
示公卿以夏爲議郎永平中車駕近出而信陽侯陰就子
奚禁衛車府令徐匡鉤就車收御者送獄詔書譴匡匡乃
自繫夏上言曰信陽侯就倚恃外戚干犯乘輿無人臣禮
爲大不敬匡執法守正反下於理臣恐聖化由是而弛帝
雖赦匡猶左轉夏爲郎郎長後遷司徒長史每處大議輒
據經典不希旨偶俗以微時嘗後坐事免復拜議郎卒於
官後漢書本傳

郎顗字雅光北海安邱人也父宗字仲殺學京氏易善風
角星算六日七分能望氣占候吉凶常賣卜自奉安帝微

之對策爲諸儒表後拜吳令時卒有暴風宗占知京師當有大火記識時日遣人參候果如其言諸公聞而表上以博士徵之宗恥以占驗見知聞徵書到夜縣印殺於縣廷而遁去遂終身不仕顓少傳父業兼明經典隱居海畔延致學徒常數百人晝研精義夜占象度動心銳思朝夕無倦州郡辟召舉有道方正不就順帝時災異屢見陽嘉二年正月公車徵顓迺詣闕拜章書奏帝復使對尚書條便宜七事復條便宜四事書奏特詔拜郎中辭不就即去歸家至四月京師地震遂陷其夏大旱秋鮮卑入馬邑城破代郡兵明年西羌寇隴右皆略如顓言後復公車徵不行

青州府志卷三十八

十一

同縣孫體者積惡凶暴好爲游俠與其間里人常慕顓名德欲與親善顓不顧以此結怨遂爲禮所殺

後漢書本傳

滕撫字叔輔北海劇人也初試州郡稍遷爲涿令有文武才用太守以其能委任郡職兼領六縣風政修明流愛於人在事七年道不拾遺順帝末揚徐盜賊羣起磐牙連歲朝廷博求將帥三公舉撫有文武才拜爲九江都尉與中郎將趙序助馮緄合州郡兵數萬人共討之拜撫中郎將督揚徐二州事撫復進擊張嬰斬獲千餘人趙序坐畏懦不進詐增首級徵還桑市又應陽賊華孟自稱黑帝攻九江殺郡守馮秉縣進擊殺之斬孟等三千八百級虜獲七

百餘人牛馬財物不可勝算於是東南悉平振旅而還以撫爲左馮翊除一子爲郎撫所得賞賜盡分於麾下性方直不交權勢宦官懷忿及論功當封太尉胡廣時錄尚書事承旨奏黜撫天下怨之卒於家

後漢書本傳

淳于恭字孟孫北海淳于人也善說老子清靜不慕榮名家有山田果樹人或使盜輒助爲收采又見偷刈禾者恭念其愧因伏草中盜去乃起里落化之王莽末歲饑兵起恭兄崇將爲盜所烹恭請代得與俱免後崇卒恭養孤幼教諭學問有不如法輒反用杖自捶以感悟之兒慙而改過後州郡連召不應遂居養志潛於山澤舉動周旋必

青州府志卷三十八

十二

由禮度建武中郡舉孝廉司空辟皆不應客隱琅邪黔陬山遂數十年建初元年肅宗下詔美恭素行告郡賜帛二千匹遣詣公車除爲議郎引見極日訪以政事還侍中騎都尉其所薦名賢無不徵用帝與之言未嘗不稱善除子孝爲太子舍人

後漢書本傳

江革字次翁齊國臨淄人也少失父獨與母居遭天下亂盜賊並起革負母逃難備經險阻常采拾以爲養數遇賊或劫欲將去革輒涕泣求哀言有老母辭氣懇款有足感動人者賊以是不忍犯之或逼指避兵之方遂得俱全於難革轉客下邳窮貧裸跣行傭以供母便身之物莫不必

給建武末年與母歸鄉里等至歲時縣當案比革以母老不欲搖動自在轅中輓車不用牛馬由是鄉里稱之曰江巨孝太守嘗備禮召革以母老不應及母終至性殆滅嘗寢伏冢廬服竟不忍除郡守遣丞掾釋服因請以爲吏丞平初舉孝廉爲郎補楚太僕月餘自劾去楚王英馳遣官屬追之遂不肯還復使中傳贈送辭不受後數應王公命輒去建初初太尉牟融舉賢良方正再遷司空長史肅宗甚崇禮之遷五官中郎將每朝會帝常使虎賁扶持及進拜恒目禮焉時有疾不會輒大官送醪膳恩寵有殊於是京師貴戚衛尉馬廖侍中竇憲慕其行各奉書致禮革無

青州府志卷三十八

三

所報受帝聞而益善之後上書乞骸骨轉拜諫議大夫賜告歸因謝病稱篤元和中天子思革至行制詔齊相曰諫議大夫江革前以病歸今起居何如夫孝百行之冠眾善之始也國家每惟志士未嘗不及革縣以見穀千斛賜巨孝常以八月長吏存問致羊酒以終厥身如有不幸祠以中牢由是巨孝之稱行於天下及卒詔復賜穀千斛

後漢書本傳

歐陽欽字正思樂安千乘人也自歐陽生傳伏生尚書至欽八世皆爲博士欽恭謙好禮讓王莽時爲長社宰更始立爲原武令世祖平河北到原武見欽在縣脩政遷河南

郡尉後行太守事世祖卽位始爲河南尹封被陽侯建武五年坐事免官明年拜揚州牧遷汝南太守推用賢俊政稱異迹九年更封夜侯欽在郡教授數百人視事九歲徵爲大司徒坐在汝南城罪千餘萬發覺下獄諸生守闕爲欽求哀者千餘人至有自髡剔者平原禮震年十七聞獄當斷馳之京師行到河內獲嘉縣自繫上書求代欽死書奏而欽已死獄中欽掾陳元上書追訟之帝迴賜棺木贈印綬賻縗三千匹子復嗣後卒無子國除

後漢書傳

宋史

特辟拜博士稍遷河內太守坐墾田

青州府志卷三十八

十四

不實免長自爲博士及在河內諸生講學者常有千餘人著尚書章句皆本之歐陽氏號爲牟氏章句復徵爲中散大夫賜告二歲卒於家子紆又隱居教授門生千人肅宗聞而徵之欲以爲博士道物故

後漢書傳

伏恭字叔齊琅邪東武人司徒湛之兄子也湛弟黯字稚文以明齊詩改定章句作解說九篇位至光祿勳無子以恭爲後恭性孝事所繼母甚謹少傳黯學以任爲郎建武四年除劇令視事十三年以惠政公廉聞青州舉爲允異太常試經第一拜博士遷常山太守敦脩學校教授不輟由是北州多爲伏氏學永平二年代梁松爲太僕四年帝

臨辟雍於行禮中拜恭爲司空初父顯章句繁多恭乃省減浮辭定爲二十萬言在位九年以病乞骸骨罷詔賜千石奉以終其身十五年行幸琅邪引遇如三公儀建初二年冬肅宗行饗禮以恭爲三老年九十九元和元年卒賜葬顯節陵下子壽官至東郡太守

後漢書儒林本傳

周澤字穉都北海安邱人也少習公羊嚴氏春秋隱居教授門徒常數百人建武末辟大司馬府署議曹祭酒數月徵試博士中元元年遷屯池令奉公尅已矜恤孤羸吏人歸愛之永平五年遷右中郎將十年拜太常澤果敢直言數有據爭後北地太守廖信坐貪穢下獄沒入財產顯宗

青州府志卷三十八

十五

以信臧物班諸廉吏唯澤及光祿勳孫堪大司農常沖特蒙賜焉是時京師翕然在位者咸自勉勵堪字子穉河南緱氏人行類於澤故京師號曰三穉十二年以澤行司徒事如眞澤性簡忽威儀頗失宰相之望數月復爲太常法潔循行盡敬宗廟常臥病齋宮其妻哀澤老病關問所苦澤大怒以妻干犯齋禁遂收送詔獄謝罪當世疑其譴激時人爲之語曰生世不諧作太常妻一歲三百六十日三百五十九日齋漢官儀此下云一十八年拜侍中騎都尉後數爲三老五更建初中致仕卒於家

後漢書儒林本傳

甄字字長文北海安邱人也習嚴氏春秋教授常數百人

建武中爲州從事徵拜博士每臨諸書賜博士一羊羊前大小肥瘦時博士祭酒議欲殺羊分肉又欲投鉤竿復取之曰先自取其最瘦者由是不復有爭訟後召會問瘦羊博士所在因以號之稍遷太子少傅卒於官傳業子晉晉傳子承承尤篤學講授嘗數百人諸儒以承三世傳業莫不歸服之建初中舉孝廉卒於梁子孫傳學不絕

後漢書儒林本傳及東觀記修

兄萌字子明齊國人兄弟並見執於赤眉將食之萌叩頭乞以身代賊亦哀而兩釋焉

以後漢書趙孝傳修

孫嵩字賓碩北海安邱人延熹間京兆趙岐避唐茲禍自

青州府志卷三十八

十六

匿姓名賣餅北海市嵩年二十餘察岐非常人停車呼與共載岐懼失色嵩乃下帷令騎屏行人密問岐曰親子賣餅者又相問而色動不有重怨卽亡命乎我北海孫嵩願闔門百口勢能相濟岐以實告遂以俱歸曰母日出行乃得死友迎入上堂饗之極歡藏岐覆壁中後諸唐死岐因赦乃出三府聞之同時並辟靈帝興平元年衛將軍董承表遣岐使荊州督租糧時嵩亦寓於表表不爲禮岐乃稱嵩素行篤烈因共上爲青州刺史

以後漢書趙岐傳修

周穆字孟玉臨濟人行高潔有美名前後郡守招命莫肯至唯陳蕃能致焉字而不名特爲置一榻去則縣之京師

爲之語曰陳仲舉昂昂如千里驥周孟玉瀏瀏如松下風
以俊漢書陳蕃傳及羣輔錄修

管寧字幼安北海朱虛人也年十六喪父中表愍其孤貧
咸共贈貲悉辭不受稱財以送終長八尺美須眉與平原
華歆同縣郡原相友俱遊學於異國並敬善陳仲弓天下
大亂聞公孫度令行於海外遂與原及平原王烈等至於
遼東度虛館以候之既往見度乃廬於山谷黃初四年詔
公卿舉獨行君子司徒華歆薦寧文帝卽位徵寧將家屬
浮海還郡詔以寧爲太中大夫固辭不受明帝卽位太尉
華歆遜位讓寧遂下詔以寧爲光祿勳寧稱草莽臣上疏

青州府志卷三十八

七

陳情乞骸骨自黃初至於青龍徵命相仍寧自越海及歸
常坐一木榻積五十餘年未嘗箕股其榻上當膝處皆穿
卒年八十四子選拜郎中後爲博士

以三國志及高士傳修

舊志前漢有田何胡母生浮邱伯王仲邱王璜周堪

欽卽墨成召平路中大夫妻敬鄒陽主父假樓護

夏黃公蓋公東郭先生梁石君駟先生後漢有彭

璆甄子然臨孝存鄭元王望董承母邱長逢南諸人

案何已徙杜陵太平寰宇記廣輿記皆作淄川人

母生浮邱伯堪欽成敬陽護東郭先生梁石君駟元

生皆齊人漢興之初高帝以膠東膠西臨淄諸人

陽城陽郡七十三縣立子肥爲齊王其地最廣今之
青州不足以盡齊地亦不敢謂其人皆非今青州人
也有舊志在不復錄仲邱唐沂州琅邪人其時或以
沂水等縣采及仲邱耳而竄入漢人王璜之士甚不
可解璜仕莽偃嘗受諸侯金又以納文不遂暴齊王
過惡令自殺應入雜傳平齊相路中大夫無齊人之
據當入名宦傳夏黃公攷陳留志姓崔名廣齊人崔
氏世譜又云姓崔名廓羣輔錄同皇甫士安曰四皓
河內軹人顏師古曰四皓無姓名可稱後代皇甫謐
之徒及諸地里書說竟爲四人施安姓字自相錯互

青州府志卷三十八

六

語又不經班氏不載於書諸家皆凡說今並棄略一
無取焉說見漢書王賈兩龔鮑傳敘注齊人之說已
當闕疑或且以臨淄實之尤爲非是蓋公漢書曹參
傳明明言膠西人不待辨矣璆子然亦存舊志皆曰
朱虛人攷後漢書孔融傳融爲北海相爲張饒所敗
保朱虛縣薦舉賢良鄭元彭璆郡原等郡人甄子然
臨孝存知名早卒融恨不及之案朱虛永初後屬北
海郡原實朱虛人子然孝存概曰郡人不應以朱虛
爲斷璆何縣人亦無所見元高密人說見古蹟叢成
墓條下至琅邪人青州刺史已入名宦不出搜神記

長見後漢書吳祐傳皆言祐之恩卹非爲長傳當與
永事並入雜記萌本傳北海都昌人漢都昌今昌邑
於青州無涉也

青州府志卷三十九

傳二之二

人物傳二

三國魏

王脩字叔治北海營陵人也年七歲喪母母以社日亡祭族鄰里社脩感念母哀甚鄰里聞之爲之罷社初平中北海孔融召以爲主簿守高密令豪強懾服舉孝廉脩讓郡原融不聽時天下亂遂不行頃之郡中有反者脩聞馳有難夜往奔融復署功曹時膠州多賊寇復令脩守膠東令膠東人公沙盧宗強自爲營壑不肯應發調脩獨將數騎

青州府志卷三十九

徑入其門幹盧兄弟公沙氏驚愕莫敢動脩撫慰其餘由是寇少止融每有難脩雖林歸在家無不至融常賴脩以免袁譚在青州辟脩爲治中從事別駕劉獻數毀短脩後獻以事當死脩理之得免袁紹又辟脩除郎壘令後復爲譚別駕紹死譚尚有隙尚攻譚譚軍敗譚復欲攻尚脩諫不聽遂與尚相攻擊請救於太祖太祖既破冀州譚又叛太祖遂攻譚於南皮脩時還糧在樂安往赴譚至高密聞譚死下馬號哭曰無君焉歸遂詣太祖曰若得收殮譚屍然後就戮無所恨太祖嘉其義聽之以脩爲督軍糧還樂安袁氏政寬在職執者多蓄聚太祖破鄉籍沒審配等黨

財物以萬數及破南皮關脩家穀不滿十斛有書數百卷太祖歎曰士不妄有名乃禮辟爲司空掾行司金中郎將遷魏郡太守魏國旣建爲大司農郎中令太祖議行肉刑脩以爲時未可行太祖采其議徙爲奉常其後嚴才反攻掖門脩召車馬未至便將官屬步至宮門太祖在銅雀臺望見之曰彼來者必王叔治也頃之病卒官子忠官至東萊太守散騎常侍

三國魏志本傳

青州府志卷三十九

邢原字根矩北海朱虛人也少與管寧俱以操尚稱孔融爲北海相舉原有道原以黃巾方盛遂至遼東與同郡劉政俱有勇略雄氣遼東太守公孫度畏惡欲殺之盡收捕其家政得脫往投原原匿之月餘時東萊太史慈當歸原因以政付之又資送政家皆得歸故郡原在遼東一年中往歸原居者數百家游學之士教授之聲不絕後得歸太祖辟爲司空掾徙署丞相掾事崔炎爲東曹掾記讓曰徵事邢原議郎張範皆秉德純懿志行忠方清靜足以厲俗貞固足以幹事所謂龍翰鳳翼國之重寶舉而用之不仁者遠代涼茂爲五官將長史閉門自守非公事不出太祖征吳原從行卒會孫郁字宏文少有原風教身謹潔口不妄說耳不妄聽端拱恂恂舉動有禮與高密劉繻並有高名咸康中帝博求異行之士二人俱被公卿薦舉於是以

博士徵之郁辭以疾歸隨使者到京師自陳年老不拜谷以壽終

原三國魏志本傳
郁見晉書韓續傳

三國志裴注原別傳曰原十一而喪父家貧早孤却有書舍原過其旁而泣師問曰童子何悲原曰孤者易傷貧者易感夫書者必皆具有父兄者一則羨其不孤二則羨其得學心中惻然而為涕零也師亦哀原之言而為之泣曰欲書可耳答曰無錢資師曰童子苟有志我徒相教不求資也於是遂就書一冬之間誦孝經論語自在童龀之中疑然有異及長金玉其行欲遠游學詣安邱孫嵩嵩辭曰君鄉里鄭君君知之乎原答曰然嵩

青州府志卷二十九

三

曰鄭君學覽古今博聞彊識鉤深致遠誠學者之師模也君乃舍之躡屣千里所謂以鄭為東家某者也君似不知而曰然者何原曰先生之說誠可謂苦業良鍼矣然猶未達僕之微趣也人各有志所規不同故乃有登山而采玉者有入海而采珠者豈可謂登山者不知海之深入海者不知山之高哉君謂僕以鄭為東家某君以僕為西家愚夫耶嵩辭謝焉又曰充豫之士吾多所識未有若君者當以書相分原重其意難辭之持書而別原心以為求師啟學志高者通非若交游待分而成也書何為哉乃藏書於家而行原舊能飲酒自行之

青州府志卷二十九

四

八九年間酒不向口單步負笈若身持力至陳留則韓子助頹川則宗陳仲弓汝南則交范孟博潁郡則親盧子幹臨別師友以原不飲酒會米肉送原原曰本能飲酒但以荒思廢業故斷之耳今當遠別因見肌饑可一飲燕於是共坐飲酒終日不醉歸以書還孫嵩解不致書之意後為郡所召署功曹主簿時魯國孔融在郡教選計當任公卿之才乃以鄭元為計掾彭璆為計吏原為計佐融有所愛一人常盛嗟歎之後悲望欲殺之朝吏皆請時其人亦在坐叩頭流血而融意不解原獨不為請融謂原曰衆皆請而君何獨不原對曰明府於某本不薄也常言歲終當舉之此所謂吾一子也如是朝吏受恩未有在某前者矣而今乃欲殺之明府愛之則引而方之於子憎之則推之欲危其身原愚不知明府以何愛之以何惡之融曰某生於微門吾成就其兄弟拔擢而用之某今孤負恩施夫善則進之惡則誅之固君道也往者應仲遠為泰山太守舉一孝廉旬月之間而殺之予君人者厚薄何常之有原對曰仲遠舉孝廉殺之其義焉在夫孝廉國之俊選也舉之若是則殺之非也若殺之是則舉之非也詩云彼其之子不遂其情蓋譏之也語云愛之欲其生惡之欲其死既欲其

又欲其死是惑也仲連之惑甚矣明府笑取焉融乃大笑曰吾乃戲耳原又曰君子於其言出乎身加乎民言行君子之樞機也安有欲殺人而可以爲戲者哉融無以答是時漢朝陵遲政以賄成原乃將家人入鬱洲山中郡舉有道融書喻原曰脩性保真清虛守高危邦不入久潛樂土王室多難西還鎬京聖朝勞謙嗔咎傳又我祖求定策命懇惻國之將隕釐不卹締家之將亡綴縈跋涉彼匹婦也猶執此義實望根矩仁爲己任援手援溺振民於難乃或晏晏若息莫我肯顧謂之君子固如此乎根矩根矩可以來矣原遂到遠東遼東多虎原

青州府志卷三十九

五

之邑落獨無虎患原嘗行而得遺錢拾以繫樹枝此錢既不見取而繫錢者愈多問其故答者謂之神樹原惡其由己而成淫祀乃辨之於是里中遂斂其錢以爲社供後原欲歸鄉里止於三山孔融書曰隨會在秦賈季在翟諮仰靡所歎息增懷頃知來至近在三山詩不云乎來歸自鎬我行永久故遣五官掾奉問榜人舟楫之勞禍福動靜告慰亂階未已阻兵之雄若基奔乎泉原於是遂復反還積十餘年後乃通還南行已數日而度甫覺度知原之不可復追也因曰邴君所謂雲中白鶴非鶉鷄之類所能羅矣又吾自遼之勿復求也遂免危

難自反國土原於是諱述禮樂吟咏詩書門徒數百道數十時鄭元以博學洽聞注解典籍故儒雅之士焉原亦以高遠清白願志澹泊口無擇言身無擇行故其傳之士向焉是時海內清議云青州有邴鄆之學太祖爲司空辟原署東閣祭酒太祖北伐三郡單于住昌國燕士大夫酒酣太祖曰孤反鄆守諸君必將來迎今日明且度皆至矣其不來者獨有邴祭酒耳言訖未久而原先至門下通謁太祖大驚喜擊履而起遠出迎原曰賢者誠難測度孤謂君將不能來而遠自屈副饑虛之心謁訖而出軍中士大夫詣原者數百人

青州府志卷三十九

六

祖怪而問之時苟文若在坐封曰獨可省問邴原耳祖曰此君名重乃亦傾士大夫心文若曰此一世異人土之精藻公宜盡禮以待之太祖曰固孤之宿心也自是之後見敬益重原雖在軍厯署常以病疾高枕里巷終不當事又希會見河南張範名公之子也其志行南與原符甚相親敬令曰邴原名高德大清規邁世魁然而峙不爲孤用聞張子頗欲學之吾恐造之者富隨之者貧也魏太子爲五官中郎將天下向慕賓客如雲而原獨守道持常自非公事不妄舉動太祖徵使人從容問之原曰吾聞國危不事家宰君老不奉世子此典制

也於是乃轉五官長史令曰子弱不才懼其難正貪欲相屈以匡厲之雖云利賢能不惡惡太子燕會眾賓百數十人太子建議曰君父各有篤疾有藥一九可救一人當救君耶父耶眾人紛紜或父或君時原在坐不與此論太子諮之於原原愕然對曰父也太子亦不復議之

任假字昭先樂安博昌人世爲著姓風智早成故鄉人爲之語曰蔣氏翁任氏童父旌齊乘作旌字子旌以至行稱漢末黃巾賊起天下饑荒人民相食寇到博昌聞旌姓字乃相謂曰宿聞任子旌天下賢人也今雖作賊那可入其鄉耶

青州府志卷三十九

七

遂相帥而去由是聲聞遠近州郡並招舉孝廉應酸棗祝阿令假八歲喪母號泣不絕聲自然之哀同於成人故幼以至性見稱年十四始學疑不再問三年中誦五經皆究其義兼包羣言無不綜覽於時學者號之神童遂遇荒亂家貧賣魚會官稅魚貴數倍假取直如常又與人共買生口各雇八匹後生口家來贖時價直六十四匹其買者欲隨時價取贖假自取本價八匹其買者惡亦還取本價比若者擅耕假地數十畝種之人以語假假曰我自以藉之耳耕者聞之慙謝還地及邑中爭訟皆詣假質之然後意其子弟有不順者父兄竊數之曰汝所行豈可令任君

知耶其禮教所化率皆如此會太祖創業召海內主德假應其舉爲臨淄侯庶子相國東曹屬尚書郎文帝時爲黃門侍郎每納忠言輒手書懷本自在近省歸書不封帝嘉其淑慎累遷東郡趙郡河東太守所在化行有遺餘餘數假爲人淳粹凱悌虛己若不足恭敬如有畏其修身履義皆沈默潛行不顯其美故時人少得稱之著書三十八篇凡四萬餘言假卒後故吏東郡程威趙國劉固河東上官崇等錄其事行及所著書奏之詔下祕書以貫羣言三國表注王和傳

三國吳

青州府志卷三十九

八

是儀字子羽北海營陵人也依劉繇避亂江東繇軍敗儀徙會稽孫權徵儀拜騎都尉後封都亭侯守侍中黃武中遣儀之皖就將軍劉邵欲誘致曹休休到大破之還偏將軍入關省尚書事外總平諸官兼領辭訟又令教諸公子書學大駕東遷太子登留鎮武昌使儀輔太子進封都鄉侯後從太子還建業復拜侍中中執法平諸官事領辭訟如舊典校郎呂壹誣白故江夏太守刁嘉謗訕國政權怒收嘉繫獄悉驗問時同坐人皆怖畏壹並言聞之儀獨云無聞於是見窮詰累日詔旨轉厲羣臣爲之屏息儀據實答問辭不側移權遂舍之嘉亦得免蜀相諸葛亮卒權垂